



Indgået

24 APR. 2019

Sofia Geisler
Inatsisartunut ilaasortaq, Inuit Ataqaatigiit

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

**Kalaallisuinnaq oqaaseqartut periarfissaat suunerat pillugit § 37 nr.160/2019
naapertorlugu apeqqutinut akissutit**

09-04-2019
Suliap nr. 2019-8251
Allakkat nr. 10425612

Asasara Sofia Geisler,

Postboks 1029
3900 Nuuk
Oqarasuaat : +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

1. **Kalaallisuinnaq oqaaseqartut danskit oqaasiisa saniatigut allamiut oqaasiinik pikkorissarnissaminnut periarfissaat – meeqqat atuarfiata saniatigut – suuppat?**

Akissut: Oqaatsinik Pikkorissarfimmi tuluttut ilinniarnissamut periarfissaqarpoq.

Tamatuma saniatigut ilinniarnertuunngorniarfinni atuartitsissutitut ataasiinnartut atuartitsissutinik oqaatsinut tunngasunik ilinniartoqarsinnaavoq.

Tamakku saniatigut inuinnaat najukkani oqaatsinik ilinniartitsinissaminnik periarfissiisoqarsinnaasarpog taamaattumillu tamakku pillugit allattukkat tamakkii-suunngillat.

2. **Kalaallisuinnaq oqaaseqartut qallunaat oqaasiinik pikkorissarnissaminnut periarfissaat – meeqqat atuarfiata saniatigut – suuppat?**

Akissut: Oqaatsinik Pikkorissarfimmi danskisut ilinniartoqarsinnaavoq, folkehøjskolini, Majoriami aamma ilinniarnertuunngorniarfinni atuartitsissutitut ataasiinnartut atuartitsissutinik oqaatsinut tunngasunik ilinniartoqarsinnaavoq.

Tamakku saniatigut inuinnaat najukkani oqaatsinik ilinniartitsinissaminnik periarfissiisoqarsinnaasarpog taamaattumillu tamakku pillugit allattukkat tamakkii-suunngillat.

3. **Kalaallisuinnaq oqaaseqartut qallunaat oqaasiinik pikkorissarsinnaanerannut – meeqqat atuarfiata saniatigut – aningaasaliissutit ukiuni 2015-2018 ukiumut qassit immikkoortinneqarsimappat?**

Akissut: Ilinniartitaanermut, Kultureqarnermut Ilageeqarnermut Naalakkersuisoqarfimmi tamakku allattugaatigineqanngillat.

4. **Kalaallisuinnaq oqaaseqartut qallunaat oqaasiinik pikkorissarsinnaanerannut – meeqqat atuarfiata saniatigut – aningaasaliissutit ukiuni 2015-2018 ukiumut qassit atorineqarsimappat?**

Akissut: Ilinniartitaanermut, Kultureqarnermut Ilageeqarnermut Naalakkersuisoqarfimmi tamakku allattugaatigineqanngillat.

5. **Qallunaatut oqaatsinik pikkorissartitsinissamut pilersaarutit – meeqqat atuarfiata saniatigut – qassit ukiuni 2015-2018 ukiumut piviusunngortinneqarsimappat?**

Akissut: Oqaatsinik Pikkorissarfimmi tullinnguuttunik makkuninnga pikkorissartitsisoqarpoq:

Danskisut	Modul 1	Modul 2	Modul 3
2015	3	4	3
2016	1	2	3
2017	2	3	2
2018	0	3	3
Katillugit	6	12	11

6. **Meeqqat atuarfiat eqqaassanngikkaanni suliffeqarfiit Namminersorlutik Oqartussat ataanniittut sorliit kalaallisuinnaq oqaasilinnik qallunaatut ilinniartitsinissaminnut suliakkerneqarsimappat?**

Akissut: Oqaatsinik Pikkorissarfimmi danskisut ilinniarnissamut periarfissaqarpoq.

7. Kalaallisuinnaq oqaasillit qallunaatut ilinniarnissaannut suliniutit aalajangiunneqartut ingerlanneqartullu qanoq kinguneqartarnersut misissuiffigineqartarpat?

Akissut: Oqaatsinik Pikkorissarfimmi pikkorissarsimaneerit naammassineri taamaasa tamarmik nalilersuiffigineqartarput. Nalilersuinerit pikkorissartitsinissat qanoq aaqqissuunneqarsinnaanerannut iluaqutaassapput, taamaalillutik ullutsinnut naleqquttunngortillugit saaffigisallu sapinngisamik pitsaanerpaamik angullugit.

8. Naalackersuisut paasissutissanik tigummiaraqarpat takutitsisunik Nunatsinniittut kalaallisuinnaq oqaasillit qassiunersut pillugu?

Akissut: Naamik

9. Nunatsinni ilinniarfeqarpa assigiinngitsunik kalaallisuinnaq oqaaseqaraluaanniluunniit ilinniarfigineqarsinnaasunik?

Akissut: Aap

10. Apeqqut 9 angeraanni: Qassiuppat, aamma ilinniarfiit suuppat?

Akissut: Imarsionermik ilinniarfimmi tunngaviumik ilinniakkat "imarsionermik misillitagaqanngitsunut skibsassistentinngorniarnert" aamma "qalorsualerisunngorniarnert" kalaallisuinnaanerusoq ilinniarfissutiginneqartarput. Ilinniartulli tuluttut danskisullu E-mik qaffasissusillit ilinniassapput.

Inuiliimi kalaallisuinnaanerusoq "Nerisassionermut ikiortit" ilinniartoqarsinnaavoq.

PI/SPS-imi inuussutissarsiutini ilinniakkat tullinnguuttut makku kalaallisut ilinniarneqarsinnaapput:

- Ulluunerani neqerooruteqartartunut ikiortit ilinniagaq
- Isumaginninnermi ikiortit ilinniagaq

Ingerlaqqiffiusumik ilinniagaqarneq:

- Najugarisaq qimannagu Isumaginninneri Perorsaasunngorniarneq

Isumaginninnermut ikiortit ilinniakkami oqaasit ataasiakkaat allamiut oqaasii takkuttarsinnaapput aamma allamiut oqaasii atorlugit atuakkiat innersuussutiginneqarsinnaasarpud. Tamanna ilikkagassatut ilanngunneqarpat (pinngitsaaliissummik atuagarsomeq) allamiut oqaasii atorlugit oqaaseqatigiikkuutaat atuartitsinerni kalaallisut nassuiaatiginneqartassappud.

11. Apeqqut 9 naaggaaraanni: Suna tamatumunnga patsisaava?

Akissut:*Inuussutissarsiutini Ilinniartitaanerit:*

Inuussutissarsiutini ilinniartitaanerit ilinniartitsisut ilarpassui kalaallisut danskisullu oqaaseqartuupput. Tamakku ulluinnarni kalaallisut ilinniartitsisinnaapput. Atuartitsinermulli atortut amerlanersaat danskisut, Nunani Avannarlermiutut tuluttulluunniit saqqummersinneqartarput taamaattumillu ilinniartut kalaallisuinnaangitsoq allamiulli oqaasiinik aamma piginnaaneqartariaqarput.

Ilinniarnertuunngorniarfik GUX

Ilinniarnertuunngorniarfinni kalaallisut danskisullu ilinniartitsisoqarsinnaallunilu oqaatsinik ilinniartitsineq pineqarpat oqaatsit allat pingajuannik ilinniartitsisoqarsinnaavoq. Ilinniarnertuunngorniarfinni kalaallisuinnaq ilinniartitaanerit neqeroortigineqarsinnaanissaasa piviusunngortinneqarnissaannut kalaallit ilinniartitsisut amerlanerusut sulisortarineqartariaqassapput.

Ilinniarnertuunngorniarfinni ilinniartitsisuuniaraanni Ilinniarnertuunngorniararneq pillugu Inatsisartut inatsisaat nr. 13, 22. novembari 2011-imeersoq naapertorlugu kandidatitut tassungaluunniit assingusumik ilinniagaqarsimanissaq nalinginnaasumik piumasaqaataavoq. Soorlu § 37 naapertorlugu apeqqummut nr. 62-imut 2019-imeersumut akissummi ilinniarnertuunngorniarfiit ukiumi arlalinni ilinniartut amerlialuttuinnarsimapput taamaattumillu ilinniartitsisunik sulit amerlanerusunik atorfinitsitsisoqartariaqarsimavoq.

Naak kandidatitut ilinniarsimasut amerlanerujartuinnaraluartut taakkuninnga ilinniarnertuunngorniarfinni pisariaqartitsinerulerit pissutigalugit kalaallisut oqaasilinnik atorfinitsisinissamut periarfissanik angummattoqarsinnaasimangilaq. Tassa imaappoq ilinniartitsinerit ilarujussuini danskisut ilinniartitsisoqartartoq, naak atuartitsissutini amerlialuttuinnartuni kalaallisut ilinniartitsisoqartaleraluartoq. Kalaallit oqaasii attuumassutinut amerlialuttuinnartuni qanoq atorneqarsinnaanersut ingerlaavartumik misissuiffigineqarput, taamaalillutik kalaallisuinnaanerusoq ilinniartitsisoqarsinnaalerniassammat.

Matumani aamma inaarutaasumik misilitsinnerni arlalinnik oqaaseqarfiusinnaasuni. Atuartitsissutit ingerlaavartumik ineriartortinneqarput, taakkulu ilinniarnertuunngorniarfiit kalaallisut atuartitsiviunerunissaannut tapertaallutik, aammattaaq oqaatsit allat takornartallu oqaasii eqqarsaatigalugit ilinniartitseriaaseq perorasaanerlu ingerlaavartumik ineriartortinneqarput.

Inuusuttut amerlanerusut nunatsinneersut ilinniarnertuunngorniarfinni ilinniartitsisunngornissaminnut soqutiginninnerulernissaannik ilinniarnertuunngorniarfiit sisamat aamma ilinniartitaanermut, Kultureqarnermut Ilageeqarnermullu Naalakkersuisoqarfik sulisuteqarput, aamma ilaatigut 'Ilinniarnertuunngorniarfimmilinniartitsisunngorit'-mik taaneqartoq aqutigalugu sulisussarsiorsimapput paasititsiniaasimallutillu, tassanilu assersuutigalugu Ilisimatusarfiup 2018-imi atorfinnik nittarsaassineranut peqataasoqarsinnaasimalluni. Siunissami paasititsiniaasoqaannassaaq.

Ilinniartitaanerit ingerlaqqiffiusut:

Ilisimatusarfimmil kalaallisuinnaq ilinniakkanik naammassinneqartoqarsinnaangilaq. Tamanna ilinniakkani ataasiakkaani ilinniartitsinerit atuakkalluunniit ilaasa allamiut oqaasii atorlugit neqeroortigineqartarnerannik pissuteqarpoq – dansk-isuunerusoq tuluttuujunerusorlu.

Ilisimatusarfimmi 2015-imi periaasissami ilaattut nunanut tamalaanngorsaanerit siunnerfeqarluartumik siuarsarniarneqarput. Ilinniartut kalaallit nunani allani ilinniarnissaannik kaammattorneqarput tamannalu ilutigalugu Ilisimatusarfimmi ilisimatusartunik nunanit tamalaaneersunik pikkorissunik timaliilluni kajungilersitsiniaasoqarpoq.

Tamatuma soorunami malitsigisaanik ilinniakkani ataasiakkaani ilinniartitsinerit kalaallisuujuullutik, danskisuujuullutik tuluttuujullutilluunniit akuleriipput.

12. Paasissutissanik allanik qulaani pineqartunut tunngasinnaasunik Naalakkersuisut peqarpat?

Akissut: Uku akissuteqaatit Aatsitassanut, Suliffeqarnermullu Naalakkersuisoqarfimmut Aningaasaqarnermullu Naalakkersuisoqarfimmut tusarniutigineqarput, taakkulu ilassutissaqanngillat

Inussiarnersumik inuulluaqqusillunga
Med venlig hilsen


Ane Lone Bagger